

Izjava OHR-a na konferenciji za medije međunarodnih organizacija

Obrazovanje

Ured visokog predstavnika želi podržati izjavu koju je OSCE upravo dao o reformi obrazovanja.

Svjetska banka je potvrdila da neće moći dodijeliti pomoć vrijednu milione dolara namijenjenu studentima u Bosni i Hercegovini, zato što BiH nije provela potrebne reforme.

Ovo je veoma važna poruka. Političari u ovoj zemlji isuviše su naviknuti da ih međunarodna zajednica spašava od posljedica vlastite neodgovornosti. Ali Bosna i Hercegovina ulazi u novu eru – eru u kojoj izabrani političari ove zemlje moraju preuzeti odgovornost za svoje postupke, kao što to čine političari u drugim zemljama.

Ukoliko ne uspiju provesti reforme, ne mogu očekivati da međunarodna zajednica obavlja njihov posao umjesto njih.

Vrijeme je da se ova praksa ovisnosti konačno prekine.

Visoki predstavnik se nada da će ova odluka Svjetske banke biti zvono za uzbunu političarima ove zemlje.

Oni polažu odgovornost građanima ove zemlje za provedbu reformi koje su neophodne kako bi BiH dobila međunarodnu pomoć.

A ukoliko ne budu radili odgovorno, građani ove zemlje će imati puno pravo da ih za to pozovu na odgovornost.

Posjeta visokog predstavnika Kaknju i Zenici

Visoki predstavnik Paddy Ashdown sutra će posjetiti Kakanj i Zenicu, gdje će se sastati sa studentima i omladinom kako bi ih, između ostalog, pitao šta misle o političarima koji su spremni staviti svoje ograničene političke interese iznad interesa mladih ljudi u BiH.

Obavještenje za medije o ovoj posjeti biće distribuirano u toku dana.

Promovisanje turizma

Danas poslijepodne u 14:00 sati, u Svrzinoj kući u Sarajevu, visoki predstavnik Paddy Ashdown, ministar vanjskih poslova BiH Mladen Ivanić i šef Delegacije Evropske komisije u BiH Michael Humphreys učestvovat će u prezentaciji o turističkoj djelatnosti u BiH koja je u razvoju, u okviru koje će biti prezentiran izvještaj o strategiji za razvoj turizma u BiH koji su izradili univerziteti iz Velike Britanije, Italije i Bosne i Hercegovine.

Visoki predstavnik i ministar Ivanić, zajedno sa zamjenicom ministra vanjskih poslova Lidijom Topić i tri bh. eksperta u oblasti turizma, posjetiće šest europskih prijestolnica između 14. i 20. maja.

Visoki predstavnik će iskoristiti ovu priliku kako bi pokušao promijeniti sliku o Bosni i Hercegovini. Pokušat će objasniti ljudima, koji su od 1995. godine čuli jako malo o BiH, kako se ova zemlja iz ratne zone uspjela razviti u potencijalnu turističku destinaciju.

Visoki predstavnik će izložiti koliko se situacija promijenila – kako u zemlji sada vlada mir, kako su zaraćene strane demobilisane a ostatak stavljen pod kontrolu države, kako BiH ima najstabilniju valutu u regiji, te kako je ekonomija trenutno u procesu reforme.

Ukratko, visoki predstavnik će objasniti kako ova zemlja, koja je nedavno bila u ratu, sada razmatra da postane članica NATO-

vog Partnerstva za mir, da se integrira u Evropu, te je, stoga, sada u prilici da iskoristi svoja prirodna bogatstva i kulturno naslijeđe kako bi unaprijedila turizam.

Ministar odbrane BiH imenovan na funkciju dopredsjedavajućeg Komisije za reformu odbrane

Na kraju, visoki predstavnik Paddy Ashdown danas je imenovao ministra odbrane BiH Nikolu Radovanovića na mjesto zamjenika dopredsjedavajućeg Komisije za reformu odbrane.

U toku dana izdaćemo saopštenje za javnost.